



DEN NORSKE KYRKJA

Agder og Telemark bispedømeråd

Det kongelige barne- likestillings- og inkluderingsdepartement
Pb 8036 Dep
0030 OSLO

Dato: 29.12.2010

Vår ref: 10/268-3 .ARN

Dykkar ref: 201003954

Høring- forslag om vigselsrett på norskregistrerte skip

Agder og Telemark biskop og Agder og telemark bispedømmeråd takkar for høvet til å uttale seg i forhold til forslag frå departementet om vigselsrett på norskregistrerte skip.

Vi oversender høyringssvaret.

Rådet gjorde i sitt møte 15. desember 2010 følgjande vedtak:

097/10: Høring - Vigselsrett på norskregistrerte skip.

ATBR-097/10 15.12.2010 Agder og Telemark bispedømmeråd vedtak:
Bispedømmerådet sluttar seg til forslag til høyringssvar (Vedlegg Dok.ID 28405).

(samrøystes)

Svar: Høyring – forslag om vigselsrett på norskregistrerte skip

Agder og Telemark bispedømmeråd / biskop takkar Det kongelige barne-, likestillings- og inkluderingsdepartementet for invitasjon til å uttale seg i høve forslag om vigselsrett på norskregistrerte skip.

Regjeringa vil på bakgrunn av høyringsrunda ta stilling til om det skal bli lagt fram, forslag til lovendingar i saka.

Forslaget om rett til å være vigslar på eit norskregistrert skip, endar i det prinsipielle spørsmålet om kven som skal være vigslar.

Når det gjeld kven som skal ha rett til å være vigslar etter norsk rett har det konsekvensar for forståinga av ekteskapet og for samfunnet vårt si handtering av ekteskapet. Av den grunn verkar det underleg at det er næringspolitiske omsyn som er bakgrunn for endringa. Vidare at det er ein kommersiell aktør som skal ha vigselsrett.

Dette bryt med gjeldande tradisjon og praksis.

Det ligg nær å spørje om kven som på grunn av dårleg økonomi eller ut frå høve til høgare økonomisk gevinst, blir den neste som blir tilbydd å selje ekteskapspakkar med innlagde vigslar.

Det blir sagt at eventuell ny ordning vil avlaste dommarar og andre som foretar borgarleg vigsel. Men utgangspunktet, bakgrunnen og argumenteringa går på regjeringa sitt ønske om å auke talet på skip som er registrerte i skipsregistrane Norsk Internasjonal skipsregister (NIS) og Norsk Ordinært Skipsregister (NOR)

Dersom det er behovet og etterspurnaden frå brudedefolket om vigsel som er bakgrunnen, ber vi departementet finne ordningar for vigsel på norskregistrert skip både i norsk og internasjonalt farvatn ut frå lov 4. juli 1991 nr. 47 pt d) *"Særskilt vigslar oppnevnt av departementet i tilfeller der det er behov for det på grunn av lange avstander eller av andre grunner. Oppnevningen gjelder for fire år av gangen."*

Agder og Telemark bispedømeråd / biskop anbefaler difor ikkje endringa i lov 4.juli 1991 nr 47 som er foreslått.

Med helsing



Arve Nilsen

kyrkjefagsjef

Direkte innval: 38 10 51 38